

Akawor sefanin ewe Apple Health ngeni kich chon ekkewe fonuwan COFA

Menapan

Compact of Free Association (COFA) Islander Health Care a poputa non ewe 2019 fan nurun ewe program itan Health Care Authority ewe a wisan momoni ewe premiums ika met en mei moni me non noumw moni ngeni ekkewe chon COFA mei tongeni nounou ika nomw won ei aninis. Ewe insurance ren pekin nii a kapacheta non ei year 2021.

Washington Apple Health (Medicaid) a kawor sefan fan itan emon me emon kich chon ekkewe fonuen non Federated States of Miconesia, pachenong ewe Republic non Marshall, me ewe Republic non Palau non ewe December 27, 2020 fan nurun ewe enuk Consolidated Appropriations Act 2021. Fan itan ei wewe ekkewe chon COFA mei nonomw non Washington ra tongeni nounou ei insurance ren ewe Apple Health, pachenong io kewe ra fen nounou ewe COFA Islander programs.

Met wewen ei Apple Health?

Apple Health ina itan ewe Medicaid non Washington State.

Ifa ekkewe aninis me ren ei Apple Health?

Apple Health mei awora, insurance ren pekin medical ika no churi doctor, pekin maas, iwe pwan pekin ngii ika nii me pwan ekkoch aninis ren pekin cancer ren omw kopwe tongeni cheki ika en mei cancer, pekin suke me feita chaa me pwan ekkoch aninis ren pekin semwen. Chon Washington ir mei tongeni apli ngeni ewe Apple Health ese kamo ika ewe me mo - kukun ir mei tongeni nounou ei insurance non unusan ena year. Ese wor met kopwe moni, ika met mei keimu, ika kopwe moni me non pusin noumw moni.

Ngang mi tongeni upwe nounou Apple Health nge esopw wor me upwe fori?

Ren omw kopwe nonou ika pachenong non ei insurance iwe ese automatic. Kopwe amasou noumw ei Apple Health ren omw kopwe tongeni sinei ika en mei tongeni nounou ei Apple Health.

- Ngeni io kewe rese pupunu, semerit, inenap/chon tumun mei semwen ika chinap, ika mei Bobo oupwe amasou ei Apple Health insurance seni ewe **wahealthplanfinder.org**.
- Ion a tori ika nu seni ewe year oneme nimu(65), ika mese chuun, ika mei wor terin, ika mei mochen ewe aninis itan long-term care services(ren ekkam rese chuen tongeni pusin tumunu inisir, amasou seni ewe **washingtonconnection.org**.

Uwe amasou nei ewe COFA Islander Health Care, nge use tongeni nounou, ngang mi tongeni pwan amasou ngeni Apple Health?

Ewer! Ika mo pwe re era kese tongeni nounou ewe COFA Islander programs, en mi tongeini nounou en Apple Health. Kopwe amasou sefan noumw na application ren omw kopwe tongeni sinei ika en mei tongeni nounou Apple Health iei.

Ngang mi tongeni nounou nei ei COFA cards Ika uwa amasou ngeni Apple Health?

Noumw na COFA card ika Navia card mi eech non ukukun unungat maram mwirin noumw ewe COFA Islander Health Care a muchuno non ei wewe ina epwe wor bill seni ekkoch fansoun me fansoun epwe toruk seni COFA Islander Health Care. Mwirin ei unungat maram koukun, noumw ewe COFA card esapw chuen tongeni nounou. Kese tongeni omw kopwe nounou noumw ewe COFA cards ngeni Apple Health. Kokori kich ika e wor bills ika niwinimang mei toruk mwirin unungat maram a muchuno iwe mei wor aninis.

Ngang mi tongeni isoni ewe Alien Emergency Medical (AEM) fan itan ai dialysis, cancer treatment ik no non ER?

Apw. Apple Health ew insurance mei tongei epwe cover ika moni omw dialysis, cancer treatment me nonon ER. Noumw na AEM insurance epwe siwin ngeni Apple Health insurance nge epwe moni meinisin.

Ngang mi tongeni no ren nei doctor ika uwa nounou Apple Health (Medicaid)?

Kokori an noumw na doctor office iwe ka eis ika mei angei Apple Health me ifan ekkoch care plans ir mei tongeni angei. Ika ka nounou Apple Health, noumw ewe insurance epwe ngonuk io noumw doctor ika primary care provider (PCP), mei pwan tongeni ekesiwin.

Ngang mi tongeni nounou Apple Health ika mei wor nei Medicare?

Ewer, mei wor ekkena program ika aninis seni ewe Department of Social and Health Services (DSHS) ei mi tongeni aninis ren noumw na Medicare, pachenong Medicare Savings Programs (MSP), mei tongeni anisuk ne moni moumw na Medicare premiums. Nengeni ochu ika katon ena hca.wa.gov/medicare-savings-program ren ekkoch porous auchea.

Ngang use tongeni nounou Apple Health. Met upwene fori iei?

Ika mei wor chomong aninis fan itan Apple Health seni DSHS, kopwe amasou seni wahealthplanfinder.org ren omw kopwe tongeni sinei ika en mi tongeni nounou COFA Islander Health Care. Ika kese tongeni nounou ir me ru ewe Apple Health me COFA Islander programs, en mi tongeni pusin kamo noumw insurance seni ewe tax credits.

A tori ei echo taropwe re mochen repwe kapas eis ngeni ei. Met upwe fori?

Ekkoch ekkei program ren medical mei namot ar repwe kapas eis ngonuk seni ewe DSHS. Kopwe fiti met mei mak non noumw na taropwe ren omw kopwe fori omw appointment ren ena interview ika atun kapas eis. Mei namot omw kopwe fiti omw na interview ika atun kapas eis ren omw kopwe sinei ika en mei tongeni nomw won ekkena aninis ren pekin medical programs.

Fon ika Tengwa: 1-800-547-3109 | Email: cofaquestions@hca.wa.gov | Website: hca.wa.gov/cofa

[English] If you speak [name of language], language assistance services, free of charge, are available to you. Call 1-800-547-3109 (TRS: 711).

[Kosraean] Mwe Fwakak nu sin Mwet Kosrae: Kom fwin enenu in lungasyukla kas Merike nu ke kas Kosrae, a asr kasru nu sum a wangin molo, pangon 1-800-547-3109 (TRS 711).

[Marshallese] Ne kwoj kenono ak Kajin Marshall. Elon rukok renaj jiban ilo ejjelok wonen 1-800-547-3109 (TRS: 711).

[Palauan] Al sekum ke molekoi a tekoi er a Belau, e ousbech a oleiuid a tekingem el di tada, e moutekangel el omekedong er a 1-800-547-3109 (TRS: 711).

[Pohnpeian] Lokaian Pohnpei: Ma komw ese lokaian Pohnpei, mie sawas en lokaia kan, ni sohte pweipwei. Menlau, kahlih 1-800-547-3109 (TRS: 711).

[Yapese] Thin nu Wa'ab: Ra gabe ning e ayuw ko thin ma ran pi e ayuw ngom ni dariy pulwon. Numbrom 1-800-547-3109 (TRS: 711).

[Trukese] Ika ka kapasan Chuuk (Chuukese/Trukese), ka tongeni angei aninisin chiakku, ese kamo, inet chok ka mochen. Kokkori 1-800-547-3109 (TRS: 711).

If you need an accommodation, or require documents in another format or language, please call 1-800-547-3109 (TRS: 711).